

*EKU HANYENI,
EKU FENI, EKU LAHLIWENI,
EKU PFUKENI, EKU VUYENI*

 Ntsena swi hundza swin'wana na swin'wana leswi hi nga swi kombisaka hi tindzimi ta ximunhu, swa hilaha timbilu ta hina ti titwaka hakona, namunlha, tanihi loko hi hlengeletana lahawani eka lowo xiximeka ku tlurisa, mixo lowo kwetsima. Mixo lowu wu yimela nkarhi lowu vukhongeri bya hina byi nga endliwa bya xiviri, hikuva a ku ri ku pfuka nakambe ka N'wana wa Wena lowo hlawuleka Loyi a nga ta ku ta kutsula rixaka hinkwaro ra ximunhu. Nakona hi lahawani mixo lowu eku tlangeleni, ka lokuya ku kulukumba, ku hlula lokukulu, Hosi, loku nga hi endla lava tlulaka vahluri va vunharhu bya rifu, tihele na sirha. Nakona ha Ku khensa leswaku, endzhaku ka loko malembe lawa hinkwawo ya hundzile, hi tama ha ha hlengeletana ni mixo eka mixo lowu wa Paseka, ku ta N'wi gandzela, hikuva hi pfumela leswaku U ta vuya nakambe.

² Kutani ha khongela leswaku U ta hi rivalela swidyoho swa hina hinkwaswo na ku tlula nawu ka hina loku kandziyisiweke ku hatlana na hina, tanihi laha hi tivulaka ku hoxa ka hina hi ku titsongahata, na ku amukela xikhumelo xa Yena eka swidyoho swa hina. Horisa vavabyi lava nga exikarhi ka hina, Hosi. Hi pfune loko ha ha hlaya Rito ra Wena lero Kwetsima, leri nga masungulo ya Mintiyiso hinkwayo leyi U nga hi siyela yona leswaku hi ta hanya hi yona na ku yi pfumela.

³ Naswona a hi khongeleti ntlawa lowu nga hlengeletana lahawani ntsena, kambe hinkwawo ku rhendzeleka na misava, hikuva hi langutisile hi matihlo ya tinghitsi na timbilu leti languteleke eka ku Vuya ka Yena. Hi yima emunyameni namunlha, eka mpfilumpfilu, leswaku loko, ha kanyingi nkarhi wun'wana na wun'wana, leswaku xifamona xin'wana xi nga ha hlundzuka hi mayelana na swin'wana, kutani xi hundzuluxa kunupu leyintsongo, kutani misava hinkwayo yi buluka yiva swiphemuphemu. Tanihi leswi hi nga byeriwa swona hi valawuri lavakulu, leswaku, nyimpi yi ta teka tiawara tintsongo, loko yo tshuka yi humelerile nakambe. Oho! Tanihi leswi, hi yimeke namunlha emaninginingini ya nyimpi yin'wana. Kutani, Kereke yi yimile emaninginingini, ku pfuka lokuya ko kwetsima ku tlurisa, hikuva hi ta vutliwa swin'we na vakwetsimi lava etteleke, ku ya hlangana na Hosi emoyeni, kutani hi va na Yona hi masiku.

⁴ Hi tile ku ta Ku gandzela, Hosi. Nakona hi amukeli namunthla. Katekisa ku hlaiyiwa ka Rito ra Wena, ku yimbeleriwa ka tinsimu, ku chumayeriwa ka Evhangeli, amukela swikhongelo swa vakomberi. Yingisa xikhongelo xa vavabyi, kutani u kuma ku kwetsima eka Wena n'winyi, hikuva hi swi kombela hi ku titsongahata hi Vito ra Yesu, N'wana wa Wena. Amen.

⁵ Eka wena u nga tsakelaka ku teka laha hi lavaka ku hlaya kona mixo lowu, eka Matsalwa ya hina.

⁶ Nakona ha tisola ku va—ku va hi tiva leswaku a hi na ndzhawu yo tshama eka ntlawa lowu wa kahle wa vanhu lava nga vindzuka va ta mixo lowu ku ta gandzela na hina, ku suka etikerekene to hambana-hambana na ku suka ematikweni yo hambana-hambana, na hambi ku ri tinxaka to hambana-hambana, leti nga hlengeletana emixweni lowu kona kwala eTabernakeleni, eka vugandzeri lebyi byo kwetsima ku tlurisa bya Hosi.

⁷ Ndzi navela ku va u pfula eka Buku ya Pisalema, Pisalema 22. Ndza swi tiva leswaku leyi i ndzhawu leyi nga tolrevelekangiki ku yi hlaya, eka ntirho wa Paseka, kambe Xikwembu a xi tolrevelekanga.

⁸ Kutani sweswi endzhaku ka xikhongelo lexi, hi ta tsema ntirho hi kwalomu ka awara yin'we, leswaku mi ta ya eka xifihlulo xa n'wina. Kutani xikhongelo xa xikolo xa Sonto xi ta sungula hi hafu ku bile awara ya nkaye. Kutani xikan'we-kan'we endzhaku ka xikhongelo xa Sonto, ku ta va na ntirho wa ku khuvula kwala e—exidziveni. Kutani ndzhengha lowu, hi awara ya ntsevu, makhadi ya xikhongelo ya ta nyiketiwa eka ntirho wo horisa, vusiku lebyi. Kutani loko u ri na varhandziwa van'wana na van'wana lava vabyaka na ku va na swilaveko, tsundzukani ku va tisa vusiku lebyi, naswona, hikuva lowu wu ta va wu ri nkarhi wo hetelela ku va hi va na leswi swa—swa xinkadyana, hambiswiritan. Ndza famba ni mixo, hi awara ya ntlhanu, ku ya eLos Angeles na ku hundza hi le West Coast, eka nonganoko wa swikhongelo.

⁹ Sweswi eka Pisalema 22, hi ta hlaya.

Xikwembu xanga, Xikwembu xanga, xana u ndzi tshikele yini? hikokwaho ka yini u yimele ekule na ku ndzi pfuna, . . . ka marito ya mina lawa ya vombaka?

. . . Xikwembu xanga, ndza rila ni nhlekani, kambe a wu ndzi yingisi; na ni vusiku, naswona a ndzi miyeli.

Kambe wena wa kwetsima, O wena u tshama exikarhi ka ku dzunisa ka Israyele.

Vatata wa hina a va ku tshembha: va ku tshembhile kutani u va ntshuxile.

Va rilele eka wena, kutani va ntshuxiwile: va titshembhele eka wena, kutani a va khomiwanga hitingana.

Kambe mina ndzi xivungu, a ndzi munhu; ndzi xisolo eka vanhu, . . . cukumetiweke hi vanhu.

Hinkwavo lava va ndzi vonaka va ndzi hlekula: va minyula milomo, naswona va hlakahla nhloko, va ku,

U titshembhele eka Hosí leswaku yi ta n'wi ntshuxa: a yi n'wi ntshuxe, hi vona leswaku ya n'wi tsakela.

Kambe hi wena u ndzi humeseke ekhwirini: u ndzi endle ndzi tshembha loko ndzi ri emaveleni ya mana wa mina.

Ndzi cukumeteriwile eka wena ku suka ekhwirini: U vile Xikwembu xanga ku suka ekhwirini ra mana wa mina.

U nga vi ekule na mina; hikuva khombo ri le kusuhi; hikuva ku hava un'wana loyi a nga ndzi pfunaka.

Tinkuzi leto tala ti ndzi rhendzerile: tinkuzi leta matimba ta Baxani ti ndzi rhendzerile.

Ti ahlamisa milomo ya tona eka mina, kukotisa leyihandzulaka ni . . . nghala leyi vombaka.

Ndzi halatiwile kukotisa mati, . . . marhambu ya mina hinkwawo ma gudla-gudla: mbilu ya mina yi fana nimhula; yi n'okisiwile exikarhi ka marhumbu ya mina.

Ntamu wa mina wu omile kukotisa xirhengele; . . . ririmu ra mina ri namarherile emalakeni ya mina; nakona u ndzi tisile entshurini wa misava.

Hikuva timbyana ti ndzi rhendzerile: vandla ra lavo biha ri ndzi rhendzerile: va ndzi tlhavile swandla swa mina na mikondzo ya mina.

Ndzi nga hlaya marhambu ya mina hinkwawo: leswaku va ndzi languta ni ku ndzi honokela.

Va avelana tinguvu ta mina, . . . ku hlahuva ehenhla ka xiambalo xa mina.

. . . u nga yimi ekule na mina, O Hosí: . . . ntamu wa mina, hatlisa u ta ndzi pfuna.

Ntshuxa moyaxiviri wa mina etlharhini; murhandziwa wa mina ematimbeni ya mbyana.

Ndzi ponise enon'wini wa nghala: hikuva wena u ndzi twile ku suka etimhondzweni ta nyarhi.

Ndzi ta vula vito ra wena eka vamakwerhu: ndzi ta ku dzunisa exikarhi ka nhlengeletano.

N'wina . . . N'wina lava chavaka Hosi, yi dzuniseni; n'wina hinkwenu va rixaka ra Yakobo, yi kwetsimiseni; ni ku yi chava, n'wina hinkwenu va rixaka ra Israyele.

Hikuva a yi solanga kumbe ku nyenya maxangu ya ku xaniseka . . . hambi ku ri ku n'wi fihlela mombo wa yona; kambe loko a rilela eka yona, yi n'wi yingisile.

Ku dzunisa ka mina ku ta va eka wena enhlengeletanweni leyikulu: Ndzi ta ku rihela ku hlambanya ka mina emahlweni ka lava yi chavaka.

Swisiwana swi ta dya swi xurha: va ta dzunisa Hosi lava yi lavaka: mbilu ya wena yi ta hanya hi masiku.

Matlhelo hinkwawo ya misava va ta tsundzuka Hosi ni ku hundzulukela eka yona: ni tinxaka hinkwato ta matiko ti ta khinsama emahlweni ka yona.

Hikuva mfumo i wa Hosi: naswona hi yona yi fumaka matiko.

Vafuwi hinkwawo va misava va ta dya ni ku gandzela: hinkwawo lava xikelaka entshurini va ta korhama emahlweni ka yona: naswona a ku na la nga hlayisaka moy-a-xiviri wa yena.

Vatukulu va ta n'wi tirhela; va ta hlayeriwa ta Hosi ku ya erixakeni.

Va ta ta, naswona va ta vula ku lulama ka yona eka vanhu naswona va ta . . . lava nga ta tswariwa, leswaku hi yena a nga endla leswi.

¹⁰ Ingaku Hosi yi nga engetela minkateko ya Yona eku hlayiweni ka Rito ra Yona. Ndzi lava ku teka eka ntirho lowu mixo lowu, marito ya ntlhanu, naswona ku rhendzeleka hi marito lawaya ya ntlhanu ndzi ringeta ku kombisa leswi nga embilwini ya mina, eka n'wina vagandzeri mixo lowu. Ndzi lava marito lawa ya ntlhanu: *Eku Hanyeni, Eku Feni, Eku Lahliweni, Eku Pfukeni, Eku Vuyen*.

¹¹ Nakona ndzi ehleketa leswaku muphati u ya kombisile kahle eka risimu, ya leswi a ndzi ta lava ku swi vula, loko a tsala risimu leri.

Eku hanyeni, U ndzi rhandzile. Eku feni, U ndzi ponisile.

Eku lahliweni, U rhwalele swidyoho swa mina ekule.

Eku pfukeni, U ndzi lulamisile mahala hi masiku.

Siku rin'wana U ta ta, oho, siku leri kwetsimaka!

¹² A ku si tshama ku va na vutomi lebyi nga tshama byi hanyiwa kukotisa bya Yena, hikuva A ri Xikwembu lexi nga

vonakarisiwa enyameni loko A tswariwile. A ri xikombiso xa leswi Xikwembu Tatana a nga swona. Nakona ku va Xikwembu Tatana a ri rirhandzu, manuku Yesu a ri xikombiso lexi heleleke xa rirhandzu. A ri rirhandzu ku sukela eka nkarhi wo rhanga laha swivokwana swa Yena swa vuhalangi swi nga swoswa marhama yo saseka ya mana wa Yena. A ri rirhandzu.

¹³ Kutani ndzi ehleketa namuntlha leswaku hi kona laha vo tala va tsandzekaka ku lemuka leswaku A ri rirhandzu. “Xikwembu i rirhandzu, naswona lava va rhandzaka va tswariwile hi Xikwembu.”

¹⁴ “Xikwembu xi rhandzile misava swonghasi, hi leswaku, lava nga rhandzekiki, laha Xi nga nyiketa N’wana wa Xona la nga tswariwa a ri swakwe, leswaku mani na mani la pfumelaka eka Yena a nga lovi, kambe a ta va na Vutomi lebyi tshamaka hi masiku.”

¹⁵ U kombisile rirhandzu ra Yena loko A ri kwala misaveni, hi tindlela to tala swonghasi, kukondza swi nga kaneteki leswaku A ri xivumbiwa lexi rhandzaka ku tlurisa lexi nga tshama xi hanya. Nakona ndzi ehleketa, eka vutomi bya Yena lahwani, A ri karhi a kombisa Xikwembu. Naswona ndlela yin’we ntsena leyti Xikwembu xi nga kombisiwaka hi yona eka vanhu yi hi rirhandzu.

¹⁶ Nakona leswi U swi endlile kahle loko A ta kuma un’wana wa vavasati va vubihi byo tlurisa loyi a ri kona hi siku ra Yena, kumbexana. Va n’wi kumile a ri na nandzu, naswona a nga ri na ndlela yo humela ehandle, loko a ta kumiwa evuoswini. Kutani va n’wi kokerile emahlweni ka Yena, kutani va ku, “Xana U ri hi n’wi endlela yini-ke?”

¹⁷ Kuteloko A hundzulukela eka yena, kutani, a ku, “A ndzi ku avanyisi. Famba naswona u nga ha engeti u dyoha.” Ematshan’weni ya ku n’wi cukumetela ehandle eswitarateni, ku va a ta khwakhwayisiwa kukotisa ntlawa wa mahlolwa ehenhla ka yena, ku n’wi khandla na ku teka vutomi bya yena; ya Yena leyo olova, ya malwandla, mbilu leyti rhandzaka yi korhamerile ehansi endzeni ka xidyoho lexi a ri eka xona, a ku, “A ndzi ku avanyisi. Ntsena famba naswona u nga ha engeti u dyoha.”

¹⁸ Kuteloko A ri endleleni ya Yena yo rhelela esirheni ra Lazaro, ndzi ehleketa leswaku walowo a wu ri nkarhi wun’wana wa kahle laha A nga kombisa leswi Xikwembu xi nga swona eka swivumbiwa swa ximunhu. Ku nga ri ntsena ku va a ri Xikwembu lexi nga rivalelaka xidyoho xa le hansi-hansi lexi nga endliwaka, na ku teka lava nga na milandzu kutani a va endla lava nga ri ki na milandzu, hi rirhandzu ra Yena lero khomela, kambe endzhaku ka loko rifu ri hi vekile eku miyeleni, U tama a ha khumbheka hi hina. Ndzi ehleketa leswaku U kombisile sweswo epatwini loko a rhelela na Marita na Mariya, loko A fika endlwini leyti rifu a ri pfalerile vutomi bya munhu

la rhandzekaka ehandle. Kutani epatwini ra Yena ro rhelela esirheni, hambiswiritano, ku va a ri Xikwembu, a swi tiva leswaku U ta n'wi pfuxa eku feni, a swi tiva leswaku A byeriwile leswaku eka Marito ya Yena a ku tshamile Matimba ya ku n'wi pfuxa esirheni; hambiswiritano, loko A vonile Marita na Mariya na lavaya a va rhandza Lazaro, va ri karhi va rila, Bibele yi vule leswaku U humesile mihloti. Xana a ku ri yini-ke? Mbilu ya yena leyikulu leyi rhandzaka! Loko A vonile leswaku wanuna luya, na vanghana va yena—va yena a va ri ekhombyeni, U karhatekile na vona.

¹⁹ Ndzi tsakile swinene ku tiva leswaku A nga kumeka exikarhi ka lava nga tshoveka timbilu. Eka magome ya hina, a Hi yena loyi a nga ta hi sukela. U yima na hina loko hinkwaswo swi tsandzekile, naswona mintshembho yo hetelela ya ku fikelela ka misava yi fikile emakumu ka yona, Yena wa ha ri Xikwembu naswona Wa hi rhandza. A ri Xikwembu lexi kombisaka.

²⁰ Kutani, oho, hilaha ndzi pfumelaka hakona leswaku U navela ku va vanhu va yena va totiwa swonghasi hi Moya lowo Kwetsima, leswaku hi ta ya eka un'wana emindzingweni na makhombo, kutani hi nyiketa xikombiso xa ntwela vusiwana wa Yena, tanahi loko wu halaka ku suka etimbilwini ta hina leti nga tswariwa ra vumbirhi hi Moya wa Yena, ku kombisa rirhandzu ra Xikwembu lexi hanyaka ekerekene. Sweswo swi kombisile kahle leswi A nga swi vula, kumbe leswi muphati a nga swi vula.

Eku hanyeni, U ndzi rhandzile.

²¹ U kombisile leswi A nga swi endla eka rixaka ra ximunhu hinkwaro, ndlela leyi Xikwembu xi nga tiyimela Xona n'winyi hi Yesu Kreste. U kombisile vonele ra Yena eka rixaka ra ximunhu, ku rivalela na ku rhandza lavaya a va nga rhandzeki. Kutani ndza hlamala, emixweni lowu wa Paseka, hilaha hi heleriwaka hakona hi sweswo. Hi nga ha rhandza lava va hi rhandzaka, kambe Yena u rhandzile lavaya a va nga N'wi rhandzi.

²² A ri lonkulukumba, vuyimeri byo sungula, bya rirhandzu leri nga tshama ri ba misava; nakona u nyenyiwile hi lavaya a va hanya emisaveni, lava Yena a va rhandza. Ku hava munhu la ta pfuka a rhandzile kukotisa Yena; naswona ku hava munhu la nga tshama a vengiva kukotisa Yena. Va N'wi vengile na ku N'wi nyenya, na ku N'wi ala, kambe a swi ri yimisanga rirhandzu ra Yena. Ko hetelela, loko A ri karhi a nembelela exihambanweni, endzhaku ka loko vutomi lebyi A nga byi hanya byi nga endlangu nchumu handle ka swilo swa kahle, ku rivalela lava a va ri na milandzu, ku horisa vavabyi, nakona ntsena swilo leswi a swi ri kahle. Loko A ri . . . ku hefemula ko hetelela exihambanweni, na nhlambha, ku phela ko hlekula, ka lava a va yimile kwalahaya, ku ri karhi ku nembelela exikandzeni xa Yena xo kwetsima. U ririle, na mbilu leyi taleke hi rirhandzu, “Tatana, va rivaleli, hikuva a va swi tivi leswi va swi endlaka.”

²³ A kota ku twisisa. Ku va a ri Xikwembu, A twisisa. Hikokwalaho A kota ku hi rhandza loko hi nga rhandzeki, hikuva hi Yena Xikwembu naswona Wa twisisa. “Eku hanyeni, U ndzi rhandzile.” A ku si tshama ku va na vutomi lebyi nga hanyiwa kukotisa byona, hikuva a byi phutseriwile hi rirhandzu.

Eku feni, U ndzi ponisile.

²⁴ Rifu, loko entangeni wa Edeni, Xikwembu Yehovha xi lavile, nxupulo wa xidyoho i rifu, naswona a ku nga ta va na ku cinca. A ku nga ta va na ndlela yin’wana leyi tekiwaka, ku khathaleriwa. Hikuva, Xikwembu xi le henhla, naswona a Xi na makumu, na Muavanyisi wa hinkwawo Matilo na misava. Nxupulo wa xidyoho i rifu, naswona a ku nga ri na loyi a ta hakela xidyoho lexi hikwalaho ka un’wana. Hikuva munhu un’wana na un’wana, hambiloko a nga fela munhu un’wana, kambe a ri na nandzu xo sungula hi xona. A ku ri hava na un’we wa hina la ta pfuna un’wana, hikuva hinkwerhu a hi ri na nandzu. “Hi tswaleriwe evudyohweni, hi vumbiwa evudyohweni, hi ta emisaveni hi ri karhi hi vulavula mavunwa.” Naswona a ku nga ri na ntila wa ntshembho, kun’wana na kun’wana. A hi avanyiseriwe rifu, hi Xikwembu, naswona xivumbiwa xin’wana na xin’wana lexi nga tshama xi famba emisaveni a xi ri ehansi ka ku avanyisiwa loku. Ku nga ha pfuka vavanuna lava lulameke kutani va endla swilo swa kahle, kambe a ri mudyohi xo sungula hi xona.

²⁵ A ku ri na ndlela yin’we ntsena ya ku va xi hakeleriwa, nakona yaleyo a ku ri rifu ra Xikwembu hi Xoxe. Swingaleswi Xikwembu, ku va xi ri Moya, a xi nga ta fa, kambe Xi xikile hi miri wa nyama kutani Xi tikombisa eka vutomi bya rirhandzu; ku teka vunene lebyiya hinkwabyo lebyi a Xi ri byona, kutani xi byi nyiketa hi ku swi rhandza tanahi Mhamba ya le henhla, leswaku Xi ta teka nandzu wa lava nga na nandzu. Hinkwerhu ka hina a hi ri vadyohi, naswona a ku ri hava ndlela emisaveni ya ku va hina hi nga pfuka hi ponisiwile. A xi telanga ntsena ku ta voniwa emisaveni, kambe Xi tile ku ta fa tanahi Mhamba.

²⁶ Abel u swi kombisile loko a humesela Xikwembu mhamba yo antswa ku tlula ya Kayini; loko a tisile xinyimpfana, na xiphemu xa vhinyo ya tidiriva yi phutseriwile ku rhendzeleka na nkolo wa xona, ku ya eribyeni. Lahaya a ku etlerile nakulorhi lontsongo ehenhla ka ribye, u kokerile xilevhunyana xa xona endzhaku kutani, hi—hi ribye, a fayetela xinkolwana xa xona; kutani xi rila xi fa, kutani ngati yi tlhambukerile ehandle, kutani voyanyana bya xona byo basa lebyi songaneke byi hlambisiwile hi ngati. Abel u kombisile Khalivhari lahaya.

²⁷ Loko Xinyimpfana xa Xikwembu, lexi nga tlhaviwa ku sukela emasungulenya misava, xi tile ku ta teka nandzu wa vadyohi, nakona xi pyanyiwile na ku tshoveleriwa, na—na ku hlekuriwa na ku endliwa xihlekiso, nakona xi file rifu leri a ri nega ta fa hi xivumbiwa xin’wana handle ka Xikwembu hi Xoxe,

naswona misisi ya Xona leyi songaneke ya ngati yi ri karhi yi lengalenga emakatleni ya Xona, yi ri karhi yi thonela ehansi, swi kombisile leswaku i nchumu wo chavisa lowu xidyoho xi nga wona, loko Xi fanele ku fa ku va xi kutsula munhu ku suka evuton'wini bya xidyoho. Ku hava lexi a xi ta fa kukotisa sweswo. Ku hava lexi a xi ta yimela rifu rero. Yi te, "Loko va tlhavile tsheve ra Yena, leswaku, ku humile Ngati na mati."

²⁸ Swi vile nkarhi lowu nga hundza, a ndzi ri karhi ndzi vulavula na un'wana hi mayelana na leswi. Nakona a ku ri mutivi wa sayense la nga te, "Ku na ndlela yin'we ntsena laha sweswo swi nga va ka swi humelerile hakona. Nakona ku nga ri hi fumu ra Xirhoma, leri A nga fa hi rona; naswona a ku nga ri hi ku lahlekeriwa hi Ngati, loku A nga fa hi kona, hikuva a ka ha ri na Ngati emirini wa Yena. Leswi A nga fa hi swona, a ku nga ri hi mhaka ya fumu ra Xirhoma kumbe swipikiri leswi a swi beleriwile emavokweni ya Yena, kumbe harhi ya mitwa leyi a va yi vekerile enhlokweni ya Yena. Kambe hikuva... U file hi nhlomulo, hikuva U tile eka va ka Vona kutani va ka Vona a va N'wi amukelanga. U file hi mbilu leyi tshovekeke. Loko, A swi tivile leswaku swivumbiwa leswiya swa nkarhi, leswi A ta fa ku va a swi kutsula, swi N'wi pherile marha exikandzeni xa Yena, naswona A ariwile hi vanhu."

²⁹ Davhida, madzananhungu wa malembe swi nga si humelela, u ririle hi rito leriya A nga rila hi rona eKhalivhari, "Xikwembu xa Nga, xana U Ndzi tshikele yini?"

³⁰ I nchumu wo biha njhani lowu xidyoho xi wu endlaka, xi hambanyisa munhu ku suka eka Xikwembu! Nakona A ri mhamba leyi a yi fanele ku humesiwa hikwalaho ka swidyoohi swa hina. Nakona U hambanyisiwile ku suka eVukoneni bya Xikwembu. Xidyoho xi N'wi hambanyisile. Xikwembu xi vekile swidyoohi swa hina ehenhla ka Yena, naswona U hambanyisiwile na Xikwembu, naswona hikokwalaho A ririle, "Xana U Ndzi tshikele yini?" Kutani hi ku va A tshikiwile, na ku teka ndzhawu leyi, na ku vona vanhu va ka Vona, leswaku A tile ku ta va Muponisi wa vona na ku nyikela Vutomi eka vona, va N'wi arile, na ku N'wi hlunamisa, swingaleswi, kukondza A va la tshovekeke mbilu kukondza Ngati na mati, na tikhemikhali ta miri wa Yena, swi hambana.

³¹ Munhu a nge pfuki a swi tivile leswiya a swi ri swona. Xexo hi xona xivangelo xa ku a ku nga ha vi na un'wana la ta pfuka a file kukotisa leswiya. A ndzi na mhaka na leswaku u nga xanisisiwa ku yini, hilaha va nga vekelaka milenge ya wena hakona eka timhandzi leti fasaka, kumbe va ku saha, hi tiinch, kumbe va ku hisa hi tiinch; a wu nga ta fa rifu leriya, hikuva maendlivele ya wena a ya fani na lamaya. A fanele ku va Xikwembu. A fanele ku va tano, la tlulaka munhu. Kutani ku ehleketa, leswaku, Xikwembu xi file. Xi file na mbilu leyi tshovekeke, na nhlomulo wo tano eka misava, kukondza

mpfindluko wa tikhemikhali wu teka ndzhawu emirini wa Yena lowu a wu nga ta tekandzhawu emirini wa wena. U nga ka unga xaniseki kukotisa xisweswo. Ku hava ndlela eka wena ya ku va na nhlomulo wa muxaka walowo. Swingaleswi ku na Un'we ntseña la ta swi endla, nakona U swi endlile.

³² Kwalahaya ku nembelerile, vutomi lebyiya a byi nga tivi nchumu kambe rirhandzu na ku endla leswinene, byi nembelerile kwalahaya exikarhi ka Matilo na misava, byi tlhandlekiwile kwalahaya, byi hluvuriwile swiambalo hinkwaswo, byi xumbadziwa. Ehleketa hilaha a wu ta va hakona, u hluvuriwile swiambalo hinkwaswo; a wu nga ta tiva ku xumbadzeka eka leswi Xikwembu a xi ta swi tiva, xi nembelerile lahaya. Ndza swi tiva leswaku xihambano lexintsongo xi na xilo lexintsongo, kukotisa hilaha a va ri na xilo xin'wana ku rhendzeleka na Yena, kambe a va kalanga va swi endla sweswo. Sweswo swi lo vekeriwa exihambanweni, kumbe mutshila u lo xivekela lahaya. Va N'wi hluvurile swiambalo swa Yena hinkwaswo. A ambarile phuraphura, kutani va ri handzurile ku suka eka Yena kutani va ri bejela. U xumbadziwile, ku ya ekule. Hambiswiritano, ku va a ri Xikwembu, a fanele ku yima, kutani vadyohi va n'wi phela marha exikandzeni xa Yena. Hambiswiritano, ku va a ri— a ri vuento lebyiya byo kala yutikukumuxi, a boheka ku fela emahlweni ka mani na mani, a hluvuriwile swiambalo hikwaswo. Ku khumbhaka ko tano loku swi nga ku teka ehenhla ka Yena, kukondza swi hambanyisa mati na Ngati. A swi hlamarisi... Ndzi ehleketa leswaku muphati u swi kombisile kahle loko a te:

Exikarhi ka marhibye lawa ya endlelaka na
swibakabaka leswi dzwihalaka,
Muponisi wa mina u korhamisile nhloko ya
Yena kutani a fa;
Kambe nguvu leyi pfulekeke yi paluxile ndlela
Ku ya eka mintsako ya Tilo ni siku leri nga ri
ki na makumu.

³³ I ntiyiso, A fanele ku swi endla. Xifunengeto a xi nembelela exikarhi ka munhu na Xikwembu, nakona xifunengeto lexiya xi pfulekaka xi paluxile ndlela yo ya emintsakweni ya le Tilweni na siku leri nga riki na makumu. Khalivhari yi vula swin'wana, yi vula swo tlula leswi hi nga swi kombisaka. I ntiyiso.

Eku hanyeni, U ndzi rhandzile. Eku feni, U
ndzi ponisile.
Eku lahliweni, U rhwalele swidyoho swa mina
ekule.

³⁴ Xi avanyisiwile sweswi. Xidyoho a xa ha ri na ko khomelela. Loko A kalakala exihambanweni, "Swi herile," xidyoho xi file! Sweswi xi file. Ku hetiwile hi xona. A xi na matimba. A xi na

vutomi. Ehleketani hi swona, vanhu. Xidyoho lexiya, nala wa swivumbiwa swa ximunhu, xi file naswona a xi na vutomi, a xa ha ri na mbuyelo. Xi nge swi koti. A swi hlamarisi ku va dyambu ri timile xivono xa rona, tineyleti a ti nga ta voninga, misava yi hundzuka ya ntima, a yi ri eku kutsuriweni hinkwayo.

³⁵ Sweswi xi file, xi lahliwile, a xi na vutomi. A xa ha ri na vutomi eka xona, kutani xi fanele ku lahliwa. Xana ku lahliwile yini-ke? Miri wa Xikwembu wu lahliwile, hikuva a wu ri mhamba ya xidyoho. A wu ri Xinyimpfana lexi nga hisiwa, wu hisiwile hi mindzilo ya ku homboloka. Xinyimpfana lexiya a xi nga ri na xidyoho lexi a xi nga tivi ku hoxisa, Xikwembu Lexiya a xi nga tivi xo hoxeka; vutomi bya Xona a byi nyiketiwile, nakona kwalahaya a ku nembelela mhamba ya xidyoho. “Eku lahliweni, U rhwalele swidyoho swa mina ekule.” U boheka ku lahliwa. Miri, mhamba ya xidyoho yi fanele ku lahliwa.

³⁶ Hikokwalaho vo tala, endzhaku ka xinkadyana, va ta famba, hi un’we-un’we, ku ya exidziveni lexi, ku ya khuvuriwa hi Vito ra Yesu Kreste. Hikokwalaho ka yini-ke? Swin’wana swi tekile ndzhawu. Moya luwa wu nga huma emirini luwa, loko A kalakala, “Swi herile,” wu avanyisile xidyoho emimirini ya hina. Nakona hi fanele ku xi lahla, ku va xi nga ha tsundzukiwi nakambe. Ndzi tsakile swinene ku va xi ri tano.

³⁷ Loko xin’wana na xin’wana xi lahliwile, xi fihliwile, xi le handle ka ku vona. “Kutani eku lahliweni, U rhwalele swidyoho swa mina ekule ngopfu.” Xikwembu a xa ha swi koti ku vona swidyoho swa hina, hikuva swi lahliwile. Swi lahliwile kwihi-ke? Elwandle ra ku Rivala. Ehleketa hi Lwandle ra ku Rivala! Xikwembu xi nga ka xi nga ha swi tsundzuki nakambe, hikuva ha vumbirhi swi file swi tlhela swi lahliwa. Swi nga ka swi nga ha tsundzukiwi nakambe. Swi humile eka nkhumhulo wa Xikwembu.

³⁸ Nakambe a ri...eka “ku lahliwa” loku A yimela kona eka Testamente ya Khale. A va ri na timbirhi...A va ri na mhamba ya xidyoho eku basiseni ka xivandla xo kwetsima. Nakona mhamba yaleyo ya xidyoho a ku ri leswaku a va teka timbuti timbirhi, kutani mbuti yin’we a yi dlaiyiwa; kutani mbuti leyi’wana, a yi ri na swidyoho leswi a swi vekiwile ehenhla ka mbuti leyi feke swi tlhandlekiwa ehenhla ka mbuti leyi hanyaka.

³⁹ Tsundzukani, Yesu a ri Nyimpfu. A ri Xinyimpfana, kambe eka mhaka leyi U hundzukile mbuti. A ri la lulameke hikuva A ri Xikwembu, Nyimpfu. Kambe U hundzukile mbuti, xidyoho, leswaku A ta va mhamba ya xidyoho eka mina na wena; ku suka eka Nyimpfu ku ya eka mbuti.

⁴⁰ Kutani Yesu u yimeriwile eka vumbirhi bya swiharhi, timbuti hi vumbirhi: Eka yin’we, u file—u file hikwalaho ka xikhumelo; ya vumbirhi, swidyoho ku suka eka xikhumelo swi tlhandlekiwile eka murhwala-nandzu wa un’wana, kutani

murhwala-nandzu wa un'wana u tekile swidyoho swa vanhu kutani a ya ekule ku ya emananga, ku ya rhwala swidyoho swa vanhu. Xana a ku ri yini? A ku ri rifu na ku lahliwa ka Hosi ya hina Yesu. "Eku feni... Eku hanyeni, U ndzi rhandzile. Eku feni, U ndzi ponisile. Eku lahliweni, U rhwalele swidyoho swa mina ekule ngopfu." U tekerile swidyoho swa vanhu eka Yena n'winyi, kutani a swi rhwala ku rhelela etikweni ra vafi ra le hansi-hansi. A ri mhamba ya xidyoho. A ri na swidyoho swa vanhu. U va ferile. Naswona swidyoho a swi vekiwile ehenhla ka Yena, kutani U tekerile swidyoho swa hina ekule ngopfu, ekule swonghasi laha Xikwembu a xi nga ha ta swi vona nakambe. Ehleketa hi swona! Oho, Kereke a yi ta kalakala, "Haleluya hikwalaho ka Muponisi wo tano!"

⁴¹ Ku nga ri ntsena leswaku swidyoho swa hina swi rivaleriwile, kambe swi lahliwile eLwandle ra ku Rivala, ku va swi nga ha tsundzukiwi nakambe. "Eku lahliweni, U rhwalele swidyoho swa hina ekule." A swi nga ha tsundzukiwi nakambe, hikuva swi fambile. Swi le handle ka matihlo ya Xikwembu. Swi omesiwe swirho. Swi thariwile. Swi vekiwile ekule. Xikwembu a xa ha swi tsundzuki nakambe. Yini? Kereke a yi fanele ku tsaka mixo lowu, hi ku tiva leswaku swidyoho swa hina a swi nga ha tsundzukiwi nakambe. Swi hoxiwile eLwandle ra ku Rivala, esirheni ra le kule na ku pfuka kun'wana na kun'wana. Swi file hi masiku, nakona swi rivariwile. Swi tanihi loko swi nga se tshama swi humeleta. "Eku feni, U ndzi ponisile." Kambe, "Eku lahliweni, U rhwalele swidyoho swa mina ekule ngopfu." U swi rhwalele ekule swonghasi kukondza swi nghena eLwandle ra ku Rivalela. Oho! Ha swi tiva leswaku swilo leswi hakunene swi pfumeriwa swinene exikarhi ka hina, nakona hakunene swi Ntiyiso swinene. Swi Ntiyiso wa Xikwembu. Hinkwaswo swilo leswiya swa kahle a swi ri ekule na swikombiso swa vanhu. A hi nga ta pfuka hi kombisile ku khensa ka hina eka swilo swo tano.

⁴² Kambe, oho, Paseka liya! "Eku pfukeni, U ndzi lulamisile mahala hi masiku."

Eku hanyeni, U ndzi rhandzile. Eku feni, U
ndzi ponisile.

Eku lahliweni, U rhwalele swidyoho swa mina
ekule. (Sweswo hinkwaswo a swi lulamile.)

Kambe, eku pfukeni, U lulamisile.

⁴³ Xana a ku ri yini ku pfuka lokuya? A ku ri xilipi xa Xikwembu, leswaku xikweleti xi hakeriwile. "Eku pfukeni, U ndzi lulamisile mahala hi masiku." Oho, i Muponisi muni, eku pfukeni! Xana Xikwembu xi endlile yini-ke? Wanuna a nga xaniseka, wanuna a nga fa, wanuna a nga lahliwa. Kambe Paseka a ku ri leyikulukumba ku tlurisa eka swona hinkwaswo, hikuva a yi ri ku pasisa ka Xikwembu, "Milawu ya mina yi fikeleriwile, Swilaveko swa mina swi fikeleriwile, hi Yena yaloye!" Xi N'wi pfuxile eku feni! "Eku pfukeni, U ndzi

lulamisile mahala hi masiku.” A ku katekisiwe Vito ra Yena lero Kwetsima!

⁴⁴ A swi hlamarisi ku va swi tisa mintlhaveko! A swi hlamarisi ku va mbilu ya munhu yi nga koti ku swi khoma! Oho, hi ripfumelo ra hina leri hlulaka hi nga yima lahaya kutani hi ku, “Hi lulamisiwile hi masiku, mahala,” hikuva U file naswona u lahliwile, kutani Xikwembu xi N’wi pfuxile nakambe hi mixo wa Paseka. Kutani, Xikwembu xi kombisile leswaku Swi amukeriwile, hinkwaswo swilo leswi A nga swi endla. Swilo hinkwaswo swi hakeleriwile mahala, u nga ha famba mahala sweswi! “Eku pfukeni, U ndzi lulamisile mahala hi masiku.” Oho, ku hava na un’we la nga pfukaka a swi tivile, a nge pfuki a ehleketele hi siku leriya rikulu loko A ta pfuka! Kutani Tintsumi ti swi vonile. Ematilweni ya matilo, Tintsumi ti yimbelerile mindzhuniso ya Xikwembu, na ku tsaka; loko vakwetsimi va Testamente ya Khale, ePharadayisini, va huwelerile, “Halelulya!” “Eku pfukeni, U lulamisile.” Matilo ya ninginikile, misava yi ninginikile, pharadayisi yi ninginikile, na Matilo ya ninginikile, loko Rito leriya rikulukumba ri humelela. Ehenhla ku suka esirheni U pfukile! “Eku pfukeni, U ndzi lulamisile mahala hi masiku.” Oho, mina!

⁴⁵ Kutani vakwetsimi lava felaka eka Yena va nga yimbelela, loko hi langutisa eka tintswalo letiya to hlamarisa, lahaya, leswi A nga swi endla. Wa vona? Ku passisa ka Xikwembu loko lemeriweke! “Kungari-kungani kutani misava a yi nga ha Ndzi voni, hambiswiritano n’wina mi ta Ndzi vona, hikuva Ndzi ta pfuka eku feni kutani Ndzi va na n’wina, hambi ku ri ku va endzeni ka n’wina, ku yisa emakun’wini ya misava; tanahi xitiyisiso, na vukambisisi bya leswaku leswi Xikwembu xi nga swi vula i ntiiyiso, naswona leswi Ndzi swi vulaka i ntiiyiso.” Yesu u te. “Ndzi ta ta hi xivumbeko xa Moya lowo Kwetsima. Ndzi ta endla vutshamo bya Mina na n’wina, kutani ndzi hanya na n’wina hi masiku.” Kutani vakwetsimi lava nga na ntsheombho luwa wa ku pfuka etimbilwini ta vona, va nga yimbelela risimu leri.

Emixwени luwa wo vangama ni ku pfumala
mapapa loko lava feleke eka Kreste va ta
pfuka,

Naswona ku kwetsima ka ku averiwa ka ku
pfuka ka Yena eku feni;

Loko vahlawuriwa va Yena va ta hlengeletana
emakaya ya vona ku hundza exibakabakeni,
(na xitiyisekiso lexi hetisekeke, na Xilemo xa
Xikwembu, na xilipi lexi tsariweke ku suka
eka Xikwembu hi Xoxe)

Loko mavito ya vitaniwa kwale henhla, ndzi ta
va kwalahaya. (Oho, tana u nga hlweli!)

Oho, a swi hlamarisi ku va va te:

Eku hanyeni, U ndzi rhandzile. Eku feni, U ndzi ponisile.

Eku lahliweni, U rhwale swidyoho swa mina ekule swinene. Oho!

Eku pfukeni, U ndzi lulamisile mahala hi masiku.

⁴⁶ Swidyoho swi khomeriwile. Hinkwaswo switlhavelo leswi a swi ta va swi vile ntsheketo, hinkwaswo switlhavelo leswi a swi ta va swi tsandzekile. Kambe emixweni wa Paseka, loko A pfuka, Xikwembu xi khorwisile leswaku Xi Swi amukerile. A swi hlamarisi, swi tisa mbilu ya munhu eka haleluya! A swi hlamarisi ku va swi endla vanhu va yima emahlweni ka rifu! Swi endla leswaku vanhu va vitana swilo leswiya a swi nga ri kona, tanihi loko swi ri kona! Kambe hikokwalaho ka yini? “Eku pfukeni, U lulamisile.” Xana u swi tiva njhani leswaku U pfukile-ke? Hikuva, U pfukile etimbilwini ta hina, u hi lulamisile mahala hi masiku!

⁴⁷ Makumemune wa masiku endzhaku ka swona, loko A yimile, a ri karhi a vulavula na vana va Yena, nkoka-misava wu sungurile ku lahlekeriwa hi matimba ya yona. Mintirho a yi herile. Xigwevo a xi hakeriwile. A ri na xilipi exandleni xa Yena. A xi ri xilipi xa Xikwembu. A ri na vana, Kereke, vapfumeri. Swidyoho hinkwaswo a swi hluriwile. Patu a ri basisiwile. A nga ta tshama emisaveni ku yisa emahlweni. Xana i yini lexi hi khomeletaka lahawani? Nkoka-misava. Nkoka-misava wu sungurile ku tshoveka, wu lahlekeriwire hi ku ombo ka yona. Hikokwalaho ka yini? A swi herile hinkwaswo hi nkarhi walowo. Xana ku humelele yini? U sungurile ku pfuka ku suka emisaveni.

⁴⁸ “Fambani emisaveni hinkwayo, kutani mi chumayela Evhangeli eka xivumbiwa xin’wana na xin’wana,” swi huma eku vulavuleni ka milomo ya Yena. “Fambani emisaveni hinkwayo, kutani mi chumayela Evhangeli eka xivumbiwa xin’wana na xin’wana. La pfumelaka kutani a khuvuriwa u ta ponisiwa, la nga pfumeriki u ta avanyisiwa. Kutani swikombiso leswi swi ta landzela lava va pfumelaka. Hi Vito ra Mina va ta hlongola mimoya leyo biha. Va ta vulavula hi tindzimi letintshwa. Loko va nga khoma tinyoka kumbe ku nwa swilo leswi dlayaka, swi nga ka swi nga va vavisi. Loko va tlhandleka mavoko ya vona eka vavabyi, va ta hlakarhela. Hikuva Ndza hanya . . . Nkoka-misava wu tshovekerile ekule na Mina. Xidyo a xi na matimba. Ndzi mi ferile. Xikwembu xi swi khorwisile, na ku nyiketa xilipi xa ku pfuka eku feni. Nakona hikuva Ndza hanya, na n’wina ma hanya! Siku rin’wana Ndzi ta vuya.”

⁴⁹ Siku rin’wana U le ku vuyeni, oho, siku ro kwetsima! Kutani, un’we . . . Eku hanyeni, eku feni, eku lahliweni, eku pfukeni, eku vuyeni, ntshembho wa Kereke namuntlha!

Eku hanyeni, U ndzi rhandzile. Eku feni, U ndzi ponisile.
 Eku lahliweni, U rhwalerile swidyoho swa mina ekule swinene.
 Eku pfukeni, U ndzi lulamisile mahala hi masiku.
 Siku rin'wana U le ku vuyeni, oho, siku ro kwetsima!

Xana a ku ri yini-ke? Swilo swa ntlhanu eka maletere ya ntlhanu, Y-e-s-u [Hi Xinghezi: J-e-s-u-s—Muhl.].

Eku hanyeni, U ndzi rhandzile. Eku feni, U ndzi ponisile. Mina.
 Eku lahliweni, U rhwalerile swidyoho swa mina ekule swinene.
 Eku pfukeni, U ndzi lulamisile mahala hi masiku.
 Siku rin'wana U le ku vuyeni, oho, siku ro kwetsima!

⁵⁰ Hi languterile ku Yuna ka Yena ka Vumbirhi!

Kutani wun'wana wa mixo lowu vangamaka na ku pfumala mapapa
 Loko lava feleke eka Kreste va ta pfuka,
 Naswona ku kwetsima ka ku averiwa loku ka ku pfuka ka Yena eku feni;
 Loko vahlawuriwa va Yena va ta hlengeletana emakaya ya vona ku hundza exibakabakeni,
 Loko mavito ya vitaniwa kwale henhla, ndzi ta va kwalahaya.

Hikokwalaho ka yini? Ndzi na xilipi. U pfukile! Xana u swi tiva njhani? U hanya embilwini ya mina. U hanya embilwini ya kereke ya Yena leyi pfumelaka.

⁵¹ Ehleketa hi swona, vanghana. Xidziva xi ta va xi lunghekile ntsena hi swinkadyana, na mati yo kufumela, eka ntirho wo khuvula, xikan'we-kan'we loko hi vuya.

A hi korhamiseni tinhloko ta hina ntsena xinkadyana.

⁵² Ndza tivutisa namuntlha, loko ku ri na un'we exikarhi ka hina, kumbe vo tala lava vo ka va nga si khensaka Xithavelo lexi hi ku ringanelu ka va va Xi amukela, nakona mi nga tsakela ku tsundzukiwa exikhongelweni, leswaku Xikwembu xi ta vulavula hilaha ku nga tollovelekangiki na timbilu ta n'wina, leswaku mi ta amukela Xithavelo xa Xona, ku basisiwa ka mimoya-xiviri ya n'wina.

⁵³ Naswona u tsundzuka leswaku namuntlha a hi nga tlangeli ntsena nkarhi wa ku ambala swigqoko leswintshwa na swiambalo leswintshwa; leswi hinkwaswo swi lulameke, i xifanekiselo xa swin'wana swintshwa. Xikwembu xi endlile

swin'wana swintshwa. Leswi, hinkwaswo swi lulameke. A hi sweswo ntsena. Paseka a yi vuli sweswo. Kumbe, ku hlota mimpfundlha ya Paseka kumbe matandza ya mimpfundlha, na swihukwana swo basa, na swin'wana na swin'wana, yaleyo a hi mianakanyo, makwerhu.

⁵⁴ Paseka i ku humeleta, i ku hlula loku Xikwembu xi ku nyiketaka ehenhla ka misava, leswaku Xi pfuxile N'wana wa Xona N'winyi eku feni. "Leswaku un'wana na un'wana la pfumelaka eka Yena, a nga lovi, kambe a va na Vutomi lebyi nga Heriki."

⁵⁵ Ku pfuka eku feni ku nga va kona evuton'wini bya wena n'winyi. Loko u nga ri na kona, xana u nga yimisela voko ra wena eka Yena mixo lowu, loko ma ha korhamisa tinhloko ta n'wina, mi ri karhi mi vula leswi, "Xikwembu, ndzi tsundzuке, leswaku Vutomi lebyiya bya ku pfuka eku feni, ingaku Byi nga kumeka embilwini ya mina." Xana u nga yimisa voko ra wena kutani u ku, "Ndzi khongeleli, Makwerhu Branham, loko ndza ha yimisa voko ra mina"? Hosi yi ku katekisa. Hosi yi ku katekisa. Xana ku na un'wana la nga ta yimisa voko ra wena, u ku, "Ndzi khongeleli, makwerhu, ndzi lava ku amukela Vutomi lebyi bya ku pfuka eku feni"?

Eka mixo luwa wu vangamaka na ku pfumala
mapapa, (ehleketani hi swona sweswi loko hi
ri . . . ? . . .) . . . Kreste a ta pfuka,
Naswona ku kwetsima ka ku averiwa ka ku
pfuka ka Yena eku feni;
Loko vahlawuriwa va ta hlengeletana le
ribuweni lerin'wana,
Loko mavito ya vitaniwa kwale henhla, ndzi ta
va kwalahaya.

Loko mavito ya vitaniwa kwale henhla,
Loko mavito ya vitaniwa kwale henhla,
(Sweswi loko u nga ri na ntiyiso, swi lulamise,
sweswi.) . . . vitaniwa kwale henhla,
Loko mavito ya vitaniwa kwale henhla, ndzi ta
va kwalahaya.

A hi tirheleni N'winyi wa hina ku suka eka . . .
(Leswi i swa n'wina vakwetsimi.) . . . dyambu,
A hi vulavuleni . . .

⁵⁶ Sweswi, n'wina lava mi nga Vakreste, mi lavaka ku endla xihlambanyo eka Xikwembu, ku tirha swinene; rhelelani haleno, mi yimisela mavoko ya n'wina eka Xona.

Naswona mavito ya vitaniwa kwale henhla,
ndzi ta va kwalahaya. (Hosi yi mi katekisa.)

Loko mavito ya vitaniwa kwale henhla,
 Loko mavito ya vitaniwa kwale henhla,
 Loko mavito ya vitaniwa kwale henhla,
 Loko mavito ya vitaniwa kwale henhla, ndzi ta
 va kwalahaya.

⁵⁷ Xikwembu lexi rhandzekaka, U vonile mbilu yin'wana na yin'wana lahwani, naswona U tiva minsusumeto na swikongomelo. Kutani ndzi khongelela ntsetselelo. Xikwembu, hi nyike swona, leswaku ntsetselelo wu ta kombisiwa eka vanhu lava. Va tile emixweni lowu eka awara leyi ya ku gandzela. Va tile eka—eka ndzhawu leyi ku ta twa Rito ra Wena.

⁵⁸ Nakona tanihi laha hi nga vulavula, leswaku, loko U hanya, a ku nga ri na vutomi byo kotisa bya Wena. Eku feni, a ku ri Wena ntseña La ta fa hi mukhuva luwa. Loko U lahliwa, U rhwalerile swidyoho swa hina ekule swinene; ku va na swidyoho swa vanhu ehenhla ka Wena, U swi tekeri eLwandle ra ku Rivala. Kambe, eku pfukeni, U ndzi lulamisile mahala hi masiku. Nakona ha yima, namuntlha, hi rindzerile ku Vuya ka Wena.

⁵⁹ Xikwembu, va katekise. Hi pfune. Ha swi lemuka leswaku a hi na nkarhi wo tala, hikuva swi kwala nyangweni. Nakona yihi na yihi... Nakona awara yin'we ku sukela sweswi, ku ya hi vativi va sayense, matiko ya nga va ya nga ha ri kona. Kutani ha khongela, Xikwembu, loko ha ha yima, emixweni lowu wa Paseka ehenhla ka nkarhi wa ku Vuya ka Yena, ntshembho wa Kereke. Magidi-gidi yo tala ya etlerile kwale hansi ka ntshuri wa misava, va rindzerile awara yaleyo, mimoya-xiviri ya bona yi le hansi ka altari, yi le ku rileni, "I nkarhi wo leha ku fika kwihi, Hosi? I nkarhi wo leha ku fika kwihi?" Ndza khongela, Xikwembu, leswaku U ta vulavula na hina. Naswona hi pfumeleli ku tsundzuka leswaku hambi hi endla yini laha emisaveni, i swintsongo ngopfu. Nakona nchumu wun'we ntseña lowu hi nga wu endlaka sweswi, i ku rindzela ku Vuya ka Wena, kutani hi byela un'wana na un'wana. Hungu i ra xihatla. Ingaku hi nga ri fikisa eka vanhu, hi xihatla, leswaku U ta vuya hi nkarhi wihi na wihi. Loko ku nga si va na tibomo leti va vulavulaka hi tona, na timizayili leti, leti nga va ka magidi-gidi ya tona ti tshamile ehenhla ka misava hi nkarhi wa minete yin'we; loko sweswo swi nga si humelela, U tshembhisile ku vuya, Hosi, u ta kuma vanhu va Wena. Swi ta va hi ndlela yaleyo, Hosi. Swingaleswi, hakanyingi minete yihi na yihi, ku nga va na ku pfuka eku feni, Paseka eka Kereke; ku pfuka eku feni ku suka eka vutomi lebyi bya vudyoho, ku ya eVuton'wini lebyi nga Heriki, hi Kreste. Yingisa swikhongelo swa hina.

⁶⁰ Kutani namuntlha, loko hi ri karhi hi ya eka swikhongelo swin'wana, eka dyondzo ya xikolo xa Sonto, O Hosi, vulavula nakambe, naswona ingaku timbilu to tala ti nga lemukisiwa hilaha ku nga tolrevelekangiki. Naswona ingaku va nga ta hi vunyingi, eka xidziva lexi mixo lowu, mixo lowu wa Paseka, ku

ta lahliwa na Hosi Yesu, ku va va amukela Xitlhavelo xa Yena. Swi nga ri na mhaka leswaku va wela eka kereke yihi, kumbe leswaku i xiyenge xihi xa vukhongeri lexi va nga na xinakulobye na xona, sweswo a swi vuli nchumu. Kambe xana va xi amukerile Xitlhavelo lexiya-ke? Xana va le ku tivuleni ka leswaku a va kahle, leswaku Yesu a ri Yena ntsena wa kahle? Nakona U hi ferile, ematshan'wini ya hina. Nakona u tekile swidyoho swa hina kutani a swi lahla, naswona hi yima hi ri hexe eka Yena. Tikereke ta hina ti nga ka ti nga swi lahli swidyoho swa hina, vutomi bya hina vinyi byi nga ka byi nga swi lahli swidyoho swa hina, kambe Kreste u lahlile swidyoho swa hina eLwandle ra ku Rivalela. Xikwembu, hi nyike sweswi leswaku swilo leswi swi ta va leswi kwetsimaka ematihlwani ya Wena.

⁶¹ Kutani vusiku lebyi, Hosi, ingaku U nga ta hi matimba ya ku pfuka ka Wena eku feni, kutani u ninginisa xindzhawana lexi kukotisa loko xi nga si tshama xi ninginisiwa. Ingaku swikombiso na masingita swi nga humelela. Swi vuyelerise, kukotisa hilaha a swi ri hakona eka Tisonto tintsongo leti nga hundza, Hosi, loko vavabyi na lava cangayilaka va horisiwa hi ndlela yo hlamarisa swinene. Ha khongela leswaku swi ta va kona nakambe vusiku lebyi, hikwalaho ka ku kwetsima ka Wena, Hosi.

⁶² Hi rivaleli milandzu ya hina sweswi, Hosi, nakona ingaku leyi, yi nga va Paseka ya xiviri eka van'wana va hina, Paseka ya xiviri eka hina hinkwerhu. Kutani van'wana va lavaya va nga si tshamaka va tiva leswi nkateko wa Paseka a wu ri swona, ingaku ku nga va namuntha laha Kreste a pfukaka etimbilwini ta vona, na ntshembho lowuntshwa, na Vutomi lebyintshwa. Va kombeteli eKhalivhari. Hikuva ha swi kombela, hi Vito ra Yesu. Amen.

⁶³ [Xivati lexi nga ri ki na nchumu eka thepi—Muhleri.]... ku va na nkarhi lowu wa xinakulobye. Mi vangani n'wina mi rhandzaka Hosi-ke? Ntsena yimisa voko ra wena. Oho, mina, sweswo swi sasekile!

⁶⁴ Ndzi twa leswaku u na xihlangi lexi lavaka ku katekisiwa, Makwerhu Mcdowell. U ta vuya eka xikhongelo xa xikolo xa Sonto, u ta swi kota-ke? Hi swona, sweswo swi ta va kahle. Kwalano hi kona hi nga ta katekisa swihlangi na swin'wana na swin'wana, hi nkarhi walowo, loko u nga vileli, sweswo hinkwaswo swi lulamile.

⁶⁵ Swingaleswi sweswi, hi ya eku ntshuxeni ka vayingiseri swa swinkadyana, leswaku mi ta ya etindzhawini ta n'wina mi ya va na xifihlulo, kutani mi vuyela endzhaku nakambe. Hi tsakile ku va mi ri lahwani.

⁶⁶ Kutani sweswi, ntsena a hi yimeni. Nakona risimu leriya ri fanaka leri hi nga va na rona eka swinkadyana leswi nga hundza, “Oho liya yo vangama na ku pfumala mapapa . . .” I vangani va

nga na ntshembho walowo eka vona-ke? Mi nge hi mi vona mi yimisa mavoko ya n'wina. Yimani.

. . . luwa wo vangama na ku pfumala mapapa
(Ri yimbeleleni sweswi.)
. . . loko lava feleke eka Kreste va ta pfuka,
Naswona ku Kwetsima ka ku averiwa ka ku
pfuka ka Yena eku feni;
Loko lava ponisiweke va le misaveni va ta
hlengeletana lahaya etlhelo lerin'wana,
Kutani loko mavito ya vitaniwa kwale henhla,
ndzi ta va kwalahaya.

Loko mavito ya vitaniwa kwale henhla,
Loko mavito ya vitaniwa kwale henhla,
Loko mavito ya vitaniwa kwale henhla,
Loko mavito ya vitaniwa kwale henhla, ndzi ta
va kwalahaya.

⁶⁷ Sweswi, loko ha ha yimbelela ndzimana leyi landzelaka: “A hi tirheleni N’winyi wa hina, ku suka hi vurhonga ku fika eku peleni ka dyambu, a hi vulavuleni,” (ku nga ri hi swilo swa misava) “kambe, a hi vulavuleni hi masingita ya Yena hinkwawo, rirhandzu na rixalaza.”

Loko ha ha endla leswi, qhavulana hi mavoko na munhu un’wana la nga endzhaku ka wena, emahlweni ka wena, etlhelo ka wena. Hinkwerhu a hi endleni sweswo sweswi. U nge, “Avuxeni, munghana wa Mukreste, ndzi tsakile ku va ekerekeni leyi na wena.” Swi lulamile.

A hi tirheleni N’winyi wa hina ku suka ni . . .
. . . hi hinkwaswo rirhandzu ni rixalaza ra
Yena lero hlamarisa;
Kwalaho loko hinkwaswo swa vutomi swi
herile, ni ku tirha ka hina emisaveni ku
endliwile,
Loko mavito ya vitaniwa kwale henhla, ndzi ta
va kwalahaya.

Loko mavito ya vitaniwa kwale henhla,
Loko mavito . . .
. . . kwale,
Loko mavito ya vitaniwa kwale henhla, ndzi ta
va kwalahaya.

Hikokwalaho ka yini? Xana hi ta va kwalahaya njhani? Hikuva: “Eku hanyeni, U ndzi rhandzile. Eku feni, U ndzi ponisile. Eku lahliveni, U rhwarile swidyoho swa mina ekule swinene. Eku pfukeni, U ndzi lulamisile mahala hi masiku. Siku rin’wana U le ku vuyeni, oho, siku ro kwetsima.”

Loko mavito ya vitaniwa kwale henhla, ndzi ta
va kwalahaya. (Hi na xilipi.)

. . . mavito . . . kwale,
 Loko mavito ya vitaniwa kwale henhla,
 Loko mavito ya vitaniwa kwale henhla,
 Loko mavito ya vitaniwa kwale henhla, ndzi ta
 va kwalahaya.

A hi korhamiseni tinhloko ta hina.

⁶⁸ Hosi, mixo wun'wana lowu vangamaka na ku pfumala mapapa, loko hi vona nkwangula-tilo lowukulu wu ta exibakabakeni (xikombiso na ntwanano wa Xikwembu, ntwanano lowu tshamaka hi masiku: Xi hlayisile xitshembhiso xa Xona.), kutani hi ta langutisa, hi ri karhi hi ta, nakona maribye ya xitsundzuxo ya ta va ya ri karhi ya wa hi xindzhaku, kutani lava etteleke entshurini wa misava va ta pfukela evukwetsimelweni bya Paseka yo rhanga na Yena, La nga endla leswaku swi koteke, Hosi ya hina. Ndza Ku khensa eka sweswo, Hosi. Ndzi tsakile ngopfu, Hosi, ntshembho walowo wu tshama exifiveni xa mina. Hikuva ndzi vona makatla ya mina ya ri karhi ya voyama, Hosi, nakona—nakona vukhale byi sungula ku kasela ehenhla; ndzi le henhla ka xintshabyani, ndzi langutile ehenhla sweswi. Hosi, ndzi tsakile ngopfu ku va ntshembho luwa wu pfurha endzeni ka mina. Siku rin'wana U ta vuya. Ndzi tsakile ngopfu namuntlha lahawani ku va ku ri na vo tala lava va titwaka hilaha ku fanaka.

⁶⁹ Ndza khongela, Hosi, leswaku U ta hi nyiketa siku ra kahle, namuntlha, u hi rivalela milandzu ya hina hinkwayo, tanahi leswi hi tivulaka swihoxo swa hina, na ku tivula leswaku a hi ringanelanga. Kambe rifu ra Kreste, ku lahliwa, ku pfuka eku feni, swi khorwisile eka hina hi Moya lowo Kwetsima lowu nga pfuxiwa etimbilwini ta hina, wu hi endla vadyandzhaka va ku pfuka ka Yena eku feni, naswona hi na xirhangana xa ku pfuka ka hina eku feni etimbilwini ta hina sweswi. Hikuva ku suka eka xidyoho, hi file, naswona hi nghanile eka Vutomi lebyintshwa, naswona hi pfukile ku suka eka swilo swa khale swa misava ku ya eka Vutomi lebyintshwa. I xirhangana, hakelo yo rhanga, O Hosi, i—i xirhangana xa ku pfuka ka hina eku feni.

⁷⁰ Hi tsakile ngopfu ku swi twa na ku tiphina hi swona eka un'wana. Swilo leswi, hi swi khoma tanahi rifuwo ra timbilu ta hina, swin'wana leswi ku nga ri ki na mali leyi nga swi xavaka, misava yi nga ta ka yi nga swi suleli ekule, hikuva Xikwembu xi hi nyikile swona mahala, mahala tanahi laha Kreste a nga swi fela hakona.

⁷¹ Sweswi, ha khongela leswaku U ta va na hina mixo lowu. Hi pfunе, sweswi, na ku va hi wisa swinkadyana swintsongo, kutani hi tlhela hi vuyela endzhaku. Hi nyike ntirho wa kahle lowu landzelaka. Hikuva ha swi kombela, hi Vito ra Yena, La nga hi dyondzisa ku khongela swin'we [Makwerhu Branham na nhlengeletano va khongela swin'we—Muhler]. Tata wa hina La

nga Matilweni, Vito ra Wena a ri Hlawuriwe. A ku te ku Fuma ka Wena. Ku rhandza ka wena a ku endliwe emisaveni, tanihi loko ku endliwa eTilweni. U hi nyika namuntlha xinkwa xa hina xa siku rin'wana na rin'wana. Kutani u hi rivalela milandzu ya hina, tanihi loko na hina hi rivalela lavaya va nga ni milandzu eka hina. Kutani u nga hi yisi emiringweni, kambe u hi lwela eka lowo biha: Hikuva ku Fuma i ka Wena, na matimba, na ku kwetsima, hi masiku. Amen.

⁷² Hosi yi ku katekisa, sweswi, kukondza hi vonana nakambe, hi kwalomu ka . . . hi hafu ku bile awara ya nkaye. U qhavulana hi mavoko na un'wana; kutani hi ta mi vona hi hafu ku bile awara ya nkaye.



*EKU HANYENI, EKU FENI, EKU LAHLIWENI,
EKU PFUKENI, EKU VUYENI* TSO59-0329s
(Living, Dying, Buried, Rising, Coming)
TISERISI TA HUNGU RA PASEKA

Hungu leri hi Makwerhu William Marrion Branham, ri sungurile ri hangalasiwa hi Xinghezi hi Sonto wa Paseka ni mixo hi ku huma ka dyambu, Nyenyankulu 29, 1959, eTabernakeleni ya Branham eJeffersonville, Indiana, U.S.A., ri tekiwile kusuka eka nkandziyiso wa thepi ya maginetiki kutani yi tsariwa yi nga khomananga hi Xinghezi. Hundzuluxo lowu wa Xitsonga wu tsariwile wu hangalasiwa hi Voice Of God Recordings.

XITSONGA

©2019 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Xitiviso Xa Mpumelelo Wo Kopa

Timfanelo hinkwato ti hlayisiwile. Buku leyi yi nga ha kandziyisiwa hi printara yale kaya leswaku munhu a ti tirhisela kumbe ku yi phakela, yi nga hakerisiwi, tani hi xitirhi xo hangalasa Evhangeli ya Yesu Kreste. Buku leyi a yi xavisiwi, yi humesiwa hi xikalo lexikulu, yi vekeriwa eka “website,” yi hlayisiwa eka tisisiteme leti ti nga swi kotaka kuva yi tekiwa, yi hundzuluxeriwa eka tindzimi tin’wana, kumbe yi tirhiseriwela eka nkwama lowu wu nga pfumeleriwa handle ka nhlamuselo leyi yi nga tsariwa ya ku pfumeleriwa hi Voice Of God Recordings®.

Vuxokoxoko byo tala kumbe nhundzu yin’wana leyi yi nga kona, mi komberiwa ku ti hlanganisa na:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org